

UGOVOR **o nabavci usluge**

zaključen između:

1. **Agencije za zaštitu ličnih podataka u Bosni i Hercegovini**, Dubrovačka broj 6, Sarajevo, koju zastupa direktor dr. Dragoljub Reljić (u daljem tekstu: Ugovorni organ), ID broj: 4201361110005 sa jedne strane, i
2. **Autopraonica „King“ s.p.**, ulica Ravnogorska broj 58, Istočno Sarajevo, koju zastupa Njegoš Živković (u daljem tekstu: Davalac usluge), ID broj: 4511990900000, sa druge strane.

Član 1.

- (1) Na osnovu provedenog postupka javne nabavke usluge putem direktnog sporazuma Ugovorni organ je Odlukom o izboru najpovoljnijeg ponuđača za nabavku usluge pranja službenih vozila Agencije broj: UP1 08-16-19-2-5/24 od 01.02.2024. godine, ocijenio ponudu Davaoca usluge prihvatljivom i ista je sastavni dio ovog ugovora.
- (2) Predmet ovog Ugovora je nabavka usluge pranja službenih vozila Ugovornog organa uz poštivanje svih normi kvantiteta i kvaliteta usluge.

Član 2.

Vrijednost ovog Ugovora iznosi 960,00 KM i zaključuje se na period od 12 mjeseci.

Član 3.

Ugovorni organ se obavezuje da će plaćanje vršiti u skladu sa trezorskim sistemom, žiralno u roku od 30 dana od dana ispostavljanja fakture o izvršenoj usluzi.

Član 4.

Davalac usluge se obavezuje da će predmetnu nabavku izvršiti u skladu sa zahtjevom Ugovornog organa i da će odmah postupiti po eventualnim primjedbama Ugovornog organa, u pogledu nedostataka na ime kvaliteta izvršene nabavke.

Član 5.

U slučaju neispunjenja obaveza iz člana 1. ovog Ugovora, Ugovorni organ zadržava pravo jednostranog raskida ovog Ugovora, bez saglasnosti Davaoca usluge i bez posljedica za Ugovorni organ.

Član 6.

Davalac usluge se obavezuje da će realizaciju usluge iz člana 1. ovog Ugovora izvršavati nakon obostranog potpisivanja Ugovora.

Član 7.

Sve eventualne sporove nastale pri realizaciji ovog Ugovora, ugovorne strane će rješavati sporazumnim putem, u protivnom, ugovara se nadležnost Opštinskog suda u Sarajevu.

Član 8.

Davaocu usluge se postavlja uslov da nema pravo da zapošljava, u svrhu izvršenja ovog Ugovora, fizička ili pravna lica koja su učestvovala u pripremi tenderske dokumentacije, ili su bila u svojstvu člana ili stručnog lica koja je angažovala Komisija za javne nabavke, najmanje šest mjeseci od početka realizacije Ugovora.

Član 9.

Na pitanja koja nisu regulisana ovim Ugovorom primjenjivat će se odredbe Zakona o obligacionim odnosima.

Član 10.


Ovaj Ugovor stupa na snagu danom obostranog potpisivanja.

Član 11.

Ovaj Ugovor je sačinjen u 5 (pet) istovjetnih primjeraka, od kojih Ugovorni organ zadržava 3 (tri) primjerka, a Davalac usluge 2 (dva) primjerka.


DAVALAC USLUGE

Njegoš Živković



UGOVORNI ORGAN

dr. Dragoljub Reljić



Broj:

Broj: UP1 08-16-19-2-7/24

Datum:

Datum: 02.02.2024. godine